

四庫全書

集部

欽定四庫全書

萬首唐人絕句卷五十九

宋 洪邁 編

七言

穆天子傳

唐彥謙

王母清歌玉琯悲
瑤臺應有再來期
穆王不得重相見
恐為無端哭盛姬

楚天

楚天遙望每長嘯
宋玉襄王盡作塵
不會瑤姬朝與暮
更為雲雨待何人

寄徐山人

一室清羸鶴體孤
體和神瑩爽冰壺
吳中高士雖求死
不那稽山有謝敷

題宗人故帖

所忠無處訪相如
風笈塵編迹尚餘
惟有孝標情最厚
一編遺在茂陵書

垂柳

絆惹春風別有情
世間誰敢闖輕盈
楚王江畔無端種
餓損纖腰學不成

登興元城觀烽火

漢川城上角三呼
護蹕防邊列萬夫
褒如塚前烽火起
不知泉下破顏無

鄧艾廟

昭烈遺黎死尚羞
揮刀斫石恨醮周
如何千載留遺廟

血食巴山伴武侯

曲江春望

杏艷桃光奪晚霞
樂遊無廟有年華
漢朝冠蓋皆陵墓
十里宜春漢苑花

漢殿

鳥去雲飛意不通
夜壇斜月轉松風
君王寂慮無消息
却就閒人覩巨公

賀李昌時禁苑新命

振鷺翔鸞集禁闈玉堂珠樹瑩風儀不知新到靈和殿
張緒何如柳一枝

牡丹

顏色無因饒錦繡馨香惟解掩蘭蓀那堪更被烟蒙蔽
南國西施泣斷魂

羅江驛

數枝高柳帶鳴鴉一樹山榴自落花已是向來多淚眼
短亭回首在天涯

奏捷西蜀題沱江驛

野客乘軺非所宜，况將儒懦報戎機。
錦江不識臨邛酒，且免相如渴病歸。

春蚤落英

紛紛從此見花殘，轉覺長繩繫日難。
樓上有愁春不淺，小桃風雪凭欄干。

仲山

千載遺踪寄薜蘿，沛中鄉里漢山河。
長陵亦是閒丘壠。

異日誰知與仲多

漢嗣

漢嗣安危繫數君
高皇意決勢難分
張良口辨周昌吃
同建儲宮第一勛

四老廟

西漢儲宮定不傾
可能園綺勝良平
舉朝公將無全策
借請閒人羽翼成

南梁戲題漢高廟

數載從軍似武夫，今隨戎捷氣偏粗。
漢王若問何為者，免道高陽舊酒徒。

洛神

人世仙家本自殊，何須相見向中途。
驚鴻瞥過游龍去，漫惱陳王一事無。

初秋到慈州冬首換絳州

秋杪方攀玉樹枝，隔年無計待春暉。
自嫌暫作仙城守，不遂鶯來共燕飛。

重經馮家舊里

馮家舊宅閉柴關，脩竹猶存澗水灣。
應繫星辰上天去，不畱英骨葬人間。

克復後登安國寺閣

千門萬戶鞠蒿藜，斷燼遺垣一望迷。
惆悵建章鴛瓦盡，夜來空見玉繩低。

題虔僧室

何緣春恨貯離憂，欲入空門萬事休。
水月定中何所為

也嘖眉黛托腮愁

見煬帝寶帳

漢文窮相作前王
慳惜明珠不斗量
翡翠紋鮪何所直
千裨萬接上書囊

樓上偶題

塵土無因狎隱淪
青山一望每傷神
可能前嶺空喬木
應有懷才抱器人

親仁里聞猿

朱雀街東半夜驚楚魂和夢兩徒清五更撩亂趨朝火
滿口塵埃亦數聲

聞李瀆司勳下世

異鄉丹旆已飄揚一顧深知實未亡
任被褚裯泉下笑重將北面哭真長

試夜題省廊桂

麻衣穿穴兩京塵十見東堂綠桂春
今日競飛揚葉箭魏舒休作畫籌人

竹風

竹映風窻數陣斜
旅人愁坐思無涯
夜來畱得江湖夢
全為乾聲似荻花

長溪秋望

柳短沙長溪水流
雨微烟暝立溪頭
寒鴉閃閃山前去
杜曲黃昏獨自愁

嚴子陵

嚴陵情性是真狂
抵觸三公傲帝王
不怕舊交稱借越

喚它侯霸作君房

北齊

草草招携強據鞍
周師乘勝莫回看
背城背戰知虛實
爭奈人前忍笑難

楚世家

偏信由來惑是非
一言邪佞脫危機
張儀重入懷王手
駟馬安車却放歸

驪山道中

月殿真妃下綵烟
漁陽追騎及湯泉
君王指點新豐樹
幾不親畱七寶鞭

韋曲

欲寫愁腸愧不才
多情練漉已低摧
窮郊二月初離別
獨傍寒村嗅野梅

黃子陂荷花

十頃狂風撼麴塵
綠堤照水露紅新
世間花氣皆愁絕
恰是蓮香更惱人

野行

蝶戀晚花終未去
鷗逢春水固難飛
野人心地都無著
伴蝶隨鷗亦不歸

與徐溫話別

方干

去去何時却見君
悠悠烟水似天津
明年今夜有明月
不是今年看月人

寒食日

百花香氣傍行人
花底垂鞭日易醺
野父不知寒食節

穿林轉壑自燒雲

出東陽道中作

馬首寒山黛色濃
一重重盡一重重
醉醒已在他人界
猶憶東陽昨夜鐘

與陳長官

枕上愁多百緒牽
常時睡覺在溪前
人間盡是交親力
莫道升沉總信天

商明府家學方響

葛溪鐵片梨園調耳底丁東十六聲彭澤主人憐妙樂
玉盃春煖許同傾

別商明府

許教門館久踟躕仲叔懷恩對玉壺惟有離心欲萌客
望垂雙淚不成珠

贈楊長官

直鈎終日竟無魚鐘鼓聲中與世踈若向湖邊訪幽拙
蕭條四壁是閒居

貽僧二首

秋水一泓長見底
澗松千尺不生枝
人間學佛知多少
淨盡花心只有師

四十年來多少人
一分零落九成塵
與師猶得重相見
亦是枯株勉強春

題畫建溪圖

六幅輕綃畫建溪
刺桐花下路高低
分明記得曾行處
祇欠猿聲與鳥啼

蜀中

遊子去遊多不歸
春風酒味勝餘時
閒來却伴巴兒醉
荳蔻花邊唱竹枝

將歸湖上留別陝宰

歸去春山逗晚晴
縈迴樹石罅中行
明時不是無知己
自憶湖邊釣與耕

題鮑處士壁

水濶坐看千萬里
青蕪蓋地接天津
襴衡莫愛山中靜

逸舍山多却碍人

經曠禪師舊院

谷鳥散啼如有恨
庭花含笑似無情
更名變貌難休息
去去來來第幾生

江南聞新曲

席上新聲花下盃
一聲聲被拍心催
樂工不識長安道
盡是書中寄曲來

越中寄孫百篇二首

上才乘醉到山陰
日日篇成字字金
鏡水周圍千萬頃
波瀾倒瀉入君心

錦價轉高花更巧
能將舊手弄新枝
從來一字為褒貶
二十八言猶太多

題飛來峰

邃岩喬木夏藏寒
床上雲溪枕上看
臺殿漸多山更重
却令飛去即應難

過李羣玉故居

許直上書難遇主銜
究下世未成翁琴樽
劍鶴隨將去
惟鎖山齋一樹風

君不來

遠路東西欲問誰
寒來無處寄寒衣
去時初種庭前樹
樹已勝巢人未歸

送鄉中故人

少小與君情不踈
聽君細話勝家書
如今若到鄉中去
道我垂鈎不釣魚

思江南

昨日草枯今日青
羈人又動故鄉情
夜來有夢登歸路
不到桐廬已及明

別孫蜀

吳越思君意易傷
別君添我鬢邊霜
由來湖水偏堪恨
截斷千山作兩鄉

贈江上老人

潭底錦鱗多識釣
未投香餌即先知
欲教魚目無分別

須學揉藍染釣絲

詠花二首

狂心醉眼共徘徊一半先開笑未開此日不能偷折去
蝴蝶直恐趁人來

可憐妍艷正當時剛被狂風一夜吹今日流鶯來舊處
百般言語殫空枝

路入金州江中作

棹尋椒岸縈迴去數里時逢一兩家知道從來貢金處

江邊牧豎赤披沙

夜會鄭氏林亭

卷簾圓月照方塘
坐久樽空竹有霜
白犬風驚雁飛起
猶能一一旋成行

清平調詞三首

李白

雲想衣裳花想容
春風拂檻露華濃
若非羣玉山頭見
會向瑤臺月下逢

一枝紅艷露凝香
雲雨巫山枉斷腸
借問漢宮誰得似

可憐飛燕在昭陽

名花傾國兩相歡
長得君王帶笑看
解釋春風無限恨
沉香亭北倚欄干

戲贈杜甫

飯顆山前逢杜甫
頭戴笠子日卓午
借問別來太瘦生
總為從前作詩苦

賀裴裕

李搏

曾隨風水化凡鱗
安上門前一字新
聞道蜀江風景好

不知何似杏園人

遊秦別妻

元載

年來誰不厭龍鍾
雖在侯門似不容
看取海山寒翠樹
若遭霜霰到秦封

懷舊

李章武

水不西歸月暫圓
令人悵望古城邊
蕭條明早分歧路
知更相逢何歲年

戲經僧

南宗尚許通方便何處心中更有經好去
苾芻雲水畔
何山松栢不青青

送紅綿酒

冷朝陽

採菱歌怨水蘭舟送客魂消百尺樓還似洛妃乘霧去
碧天無際水空流

題馬嵬驛

狄歸昌

馬嵬烟柳正依依重見蠻輿幸蜀歸
泉下阿蠻應有語
這回休更泥楊妃

贈張神女

沈警

義起曾歷許多年張碩凡得幾時憐何意令人不如昔
暫來相見更無緣

離歌

直值行人心不平那宜萬里阻閨情只今隴上分流水
更泛從來嗚咽聲

題巫山廟

繁知

忠州刺史令才子行到巫山必有詩為報高唐神女道

速排雲雨候清辭

題鄧仙客墓

天嶠遊人

鶴老芝田鷄在籠上清那與俗塵同既言白日昇仙去
何事人間有殯宮

舟行作


衡山舟子

野鵲灘西一棹孤月光遙接洞庭湖堪嗟迴雁峰前過
望斷家山一字無

罷欽州贈交代

李擢

經年理郡少歡娛為習干戈間飲徒今日臨行盡交
闕原



欽定四庫全書

萬首唐人絕句

六

萬首唐人絕句卷五十九

欽定四庫全書

集部

萬首唐人絕句卷

六十二
六十二

詳校官庶吉士臣柳邁祖

助教臣常循覆勘

總校官編修臣王燕緒

校對官編修臣勵守謙

謄錄監生臣何大士

欽定四庫全書

萬首唐人絕句卷六十

宋 洪邁 編

七言

六朝詠史

孫元晏

吳黃金車

分壁山河即漸開許昌基業已傾積黃金車與斑斕耳
早箇須知入識來

赤壁

會獵書來舉國驚
祇應周魯不教迎
曹公一戰奔波後
赤壁功傳萬古名

魯肅指囷

破產移家事亦難
佐吳從此霸江山
爭教不立功勳得
指出一囷如等閒

甘寧斫營

夜深偷入魏軍營
滿寨驚忙火似星
百口寶刀千匹絹

也應消得與甘寧

徐盛

欲把江山鼎足分
刑真銜冊到江南
當時將相誰堪重
徐盛將軍最不甘

魯肅

斫案興言斷衆疑
鼎分從此定雄雌
若無子敬心相似
爭得烏林破魏師

武昌

欽定四庫全書

萬首唐人絕句
卷六十

西塞山高截九垓
讖謠終日自相催
武昌魚美應難戀
歷數須歸建業來

顧雍

贊國經綸更有誰
蔡公相歎亦相師
貴為丞相封侯了
歸後家人總不知

呂蒙

幼小家貧實可哀
願征行去志難回
不探虎穴求身達
爭得人間富貴來

介象

好道君王過亦難
變通靈異幾多般
介先生有神仙術
釣得鱸魚在玉盤

濡須塢

風揭洪濤響若雷
枕波為壘險相隈
莫言有箇濡須塢
幾度曹公失志回

周恭

名與諸公又不同
金瘡痕在滿身中
不將御蓋宣恩澤

誰信將軍別有功

張紘

東部張公與衆殊
共施經略贊全吳
陳琳漫自稱雄伯
神氣應須怯大巫

太史慈

聖德招賢遠近知
曹公心計却成欺
陳韓昔日嘗投漢
豈是當歸召得伊

孫堅后

委付張公翊聖材幾將賢德贊文臺爭教不霸江山得
日月徵曾入夢來

陸統

將軍身歿有兒孤虎子為名教讀書更向宮中教騎馬
感君恩重合何如

青蓋

歷數將終勢已摧不修君德更堪哀被它青蓋言相誤
元是須教入晉來

晉七寶鞭

天命須知豈偶然
亂臣徒欲用兵權
聖謨廟略還應別
渾不消它七寶鞭

庾悅鵝炙

春暖江南景氣新
子鵝炙美就中珍
庾家厨盛劉公困
渾弗相貽也惱人

謝玄

百萬兵來逼合肥
謝玄為將統雄師
旌旗首尾千餘里

渾不消它一局碁

謝混

尚主當初偶未成
此時誰合更關情
可憐謝混風華在
千古翻傳禁巒名

陸玩

陸公高論亦由衷
謙讓還慙未有功
天下忠良人欲盡
始應交我作三公

王坦之

欽定四庫全書

萬首唐人絕句
卷六十

晉祚安危只此行坦之何必苦憂驚謝公合定寰區在
爭遣當時事得成

蒲葵扇

拋捨東山歲月遙幾施經略挫雄豪若非名德喧寰宇
爭得蒲葵價數高

王郎

太尉門庭亦甚高王郎名重禮相饒自家妻父猶如此
誰更逢君得折腰

劉毅

遠床堪壯喝盧聲似鐵容儀衆盡驚二十七人同舉義
幾人全得舊功名

王恭

春風濯濯柳容儀鶴氅神心舉世推可惜教君仗旄鉞
枉將心地託牢之

謝公賭墅

發遣將軍欲去時略無情撓只貪碁自從乞與羊曇後

賭豎功成更有誰

符堅投筮

投筮填江語未終
謝安乘此立殊功
三台星爛乾坤正
且與張華死不同

衛玠

叔寶羊車海內稀
山家女壻好風姿
江東士女無端甚
看殺玉人渾不知

郭璞脫襦

吟坐因思郭景純每言窮達似通神到頭分命難移改
解脫青襦與別人

庾樓

江州樓上月明中從事同登眺遠空玉樹忽埋千載後
有誰重此繼清風

新亭

容易乘虛逼帝畿滿江樓艣與旌旗盧循若解新亭上
勝負還應未可知

宋大峴

大峴纔過喜可知
指空言已副心期
公孫許策嗟無用
天與南朝作霸基

放官人

納諫廷臣免犯顏
自然思可霸江山
姚興侍女方承寵
放出官闈若等閒

借南苑

人主詞應不偶然
幾人曾說笑掀天
不知南苑今何在

借與張公三百年

謝澹雲霞友

仗氣凌人豈可親
只將范泰是知聞
緣何喚作雲霞友
却恐雲霞未似君

烏衣巷

古迹荒基好嘆嗟
滿川吟景只煙霞
烏衣巷在何人住
回首令人憶謝家

袁粲

欽定四庫全書

萬首唐人絕句
卷六十一

負才尚氣滿朝知高卧閒吟見客稀
獨步何人識素尹
白揚郊外醉方歸

劉伯龍

位重何如不厭貧
伯龍孤子只修身
固知生計還須有
窮鬼臨時也笑人

王方平

拂衣耕釣已多時
江上山前樂可知
着却貂裘將採藥
任它人喚作漁師

黃羅襪

戚屬羣臣盡見猜
預憂身後又堪哀
到頭委付何曾是
虛把羅襪與彥回

謝朓

謝家諸子盡蘭香
各震芳名滿帝鄉
唯有千金更堪重
只將高卧向齊王

羊玄保

運命將來各有期
好官才闕即思之
就中堪愛羊玄保

偏受君王分外知

齊謝朓

解璽傳呼詔侍中却來高卧豈踈慵此時忠節還希有
堪羨君王特地容

小兒執燭

謝公情量已難量忠宋心誠豈暫忘執燭小兒渾放去
略無言語與君王

王僧祐

肯與公卿作等倫
澹然名德只推君
任它車騎來相訪
簫鼓盈庭似不聞

王僧虔

位高名重不堪疑
懇讓儀同帝亦知
不學常流爭進取
却憂門有二台司

明帝裏蒸

至尊尊貴異人間
御膳天厨豈等閒
惜得裏蒸無用處
不如安霸取江山

鬱林王

強哀強慘亦從伊
歸到私庭喜可知
喜字漫書三十六
到頭能得幾多時

何氏小山

顯達何曾肯繫心
築居郊外好園林
賺它謝朓出山去
贏得高名直至今

王倫之

豫章太守重詞林
圖畫陳蕃與華歆
更莫子將并孺子

為君千載作知音

潘妃

曾步金蓮寵絕倫
豈甘今日委埃塵
玉兒還有懷恩處
不肯將身嫁小臣

王亮

後見梁王未免哀
奈何無計拯傾頽
若教彼相顛扶得
爭遣明公到此來

梁分宮女

滌蕩齊宮法令新分張宮女二千人可憐無限如花貌
重見世間桃李春

馬仙琿

齊朝太守不甘降忠節當時動四方義士要教天下見
且留君住待袁昂

勅敵

博聞天子重儒才特為皇華綺宴開今日方驚遇勅敵
此人元自北朝來

茶樽

紫茄白苧以為珍
守任清真轉更貧
不飲吳興郡中水
古今能有幾多人

楚祠

曾與蕭侯醉玉盃
此時神影盡傾頽
莫云千古無靈聖
也向西川助敵來

謝朓小輿

小輿升殿掌鈞台
不免無慘却憶回
應恨被它何肖誤

悔先容易出山來

八關齋

依憑金地甚虔誠
忍溺空王為聖明
內殿設齋申禱祝
宜無功德及臺城

庾信

苦心詞賦向誰談
淪落周朝志豈甘
可惜多才庾開府
一生惆悵憶江南

陳王僧辯

彼此英雄各有名
石頭高卧擬爭衡
當時堪笑王僧辯
待欲將心託聖明

武帝蚌盤

金翠絲簧略不舒
蚌盤清宴意何如
豈知三閣繁華主
解為君王妙破除

虞居士

苦諫將軍總不知
幾隨煙燭作塵飛
東山居士何人識
唯有君王却許歸

姚察

曾佐徐陵向北遊剖陳疑事動名流却歸掌選清何甚
一疋花練不肯收

宣帝傷將卒

前後兵師戰勝回百餘城壘盡歸來當時將卒應知感
況得君王為舉哀

臨春閣

臨春高閣上侵雲風起香飄數里聞自是君王正沉醉

宜知消息報隋軍

結綺閣

結綺高宜眺海涯上凌丹漢拂雲霞一千朱翠同居此
爭奈恩多屬麗華

望仙閣

多少沉檀結築成望仙為號倚青冥不知孔氏何形狀
醉得君王不解醒

三閣

三閣相通綺宴開數千朱翠遠周回只知斷送君王醉
不道韓擒已到來

狎客

八宮妃盡賦篇章風揭歌聲錦繡香選得十人為狎客
有誰能解諫君王

淮水

文物衣冠盡入秦六朝繁盛忽埃塵自從淮水乾枯後
不見王家更有人

江令宅

不向南朝立諫名
舊居基在事分明
令人惆悵江中令
只作篇章過一生

後庭舞

嫵婉回風態若飛
麗華翹袖玉為姿
後庭一曲從教舞
舞破江山君未知

叙懷

張蠙

月裏路從何處上
江邊身合幾時歸
十年九陌寒風夜

夢掃蘆花絮客衣

題嘉陵驛

嘉陵路惡石和泥行到長亭日已西
獨倚欄干正惆悵
海棠花裏鷓鴣啼

春夜二首

劉 駕

一別杜陵歸未期
祇憑鬼夢接親知
近來欲睡兼難睡
夜夜夜深聞子規

幾歲兵戈阻路岐
憶山心切與心違
時難何處披衷抱

日日日斜空醉歸

鄴中感舊

頃年曾住此中來今日重游事可哀憶得幾家歡宴處
家家家業盡成灰

曉登迎春閣

未柳凭欄眺錦城煙籠萬井二江明香風滿閣花滿樹
樹樹樹梢啼曉鶯

白髭

到處逢人求至藥，幾回染了又成絲。
素絲易染髭難染，墨翟當時合泣髭。

獨坐吟

客愁不盡本如水，草色含情更無已。
又覺春愁似草生，何人種在情田裏。

奉和春日詠雪

北闕同雲掩曉霞，東風春雪滿山家。
瓊章定少千人和，銀樹長開六出花。

和李秀才邊庭四時怨

盧弼

春

春衣昨夜到榆關
故國煙花想已殘
少婦不知歸未得
朝朝應上望夫山

夏

盧龍塞外草初肥
鴈乳平蕪曉不飛
鄉國近來音信斷
至今猶自著寒衣

秋

金定四庫全書
卷六十
八月霜飛柳遍黃蓬根吹斷鴈南翔隴頭流水關山月
泣上龍堆望故鄉

冬

朔風吹雪透刀瘢飲馬長城窟更寒半夜火來知有敵
一時齊保賀蘭山

獨坐懷非煙

綠暗紅藏起暝煙獨將幽恨小庭前沉沉良夜與誰語
星落銀河月半天

迴絨非煙

見說傷情為見春想封蟬錦綠蛾頰叩頭與報煙鄉道
第一風流最損人

贈非煙

十洞三清雖路阻有心還得傍瑤臺瑞香風引思深夜
知是蕊宮仙馭來

欽定四庫全書

萬首唐人絕句卷六十

萬首唐人絕句卷六十

欽定四庫全書

萬首唐人絕句卷六十一

宋 洪邁 編

七言

小遊僊詩九十八首

曹 唐

玉簫金瑟發商聲
桑葉枯乾海水清
淨掃蓬萊山上地
畧遊王母話長生

其二

上元元日豁明堂五帝望空拜玉皇萬樹琪花千圃藥
心知不敢輒形相

其三

騎龍重過玉溪頭紅葉還春碧水流省得壺中見天地
壺中天地不曾秋

其四

真王未許久從容立在花前別甯封手把玉簫頭不舉
自愁如醉倚黃龍

其五

金殿無人鎖絳烟
玉郎並不賞丹田
白龍蹀躞難迴跋
爭下紅綃碧玉鞭

其六

玄洲草木不知黃
甲子初開浩劫長
無限萬年年少女
手攀紅樹滿殘陽

其七

宮闕重重閉玉林
崑崙高闕彩雲深
黃龍掉尾引郎去

使妾月明何處尋

其八

風滿塗山玉藥稀
赤龍閒臥鶴東飛
紫梨爛盡無人喫
何事韓君去不歸

其九

武帝徒勞厭暮年
不曾清淨不精專
上元少女絕還往
滿竈丹成白玉煙

其十

百辟朝回閉玉除
露風清宴桂花踈
西歸使者騎金虎
鞞鞞垂鞭唱步虛

十一

南斗闌珊北斗稀
茅君夜着紫霞衣
朝騎白馬趨朝去
鳳押笙歌逐後飛

十二

焚香獨自上天壇
桂樹風吹玉簡寒
長怕嵇康乏僊骨
與將僊籍再尋看

十三

冰屋朱扉曉未開
誰將金策扣瓊臺
碧花紅尾小僊子
閒吠五雲嗔客來

十四

酒釀春濃瓊草齊
真公欲散醉如泥
朱輪軋軋入雲去
行到半天聞馬嘶

十五

白石山中自有天
竹花藤葉隔溪煙
朝來洞口圍碁了

賭得青龍直幾錢

十六

海水西飛照柏林
青雲斜倚錦雲深
水風暗入古山葉
吹斷步虛清磬音

十七

玉詔新除沈侍郎
便分茅土鎮東方
不知今夕游何處
侍從皆騎白鳳凰

十八

洞裏煙霞無歇時
洞中天地足金芝
月明朗朗溪頭樹
白髮老人相對棋

十九

饑即飡霞悶即行
一聲長嘯萬山青
穿花渡水來相訪
珍重多才阮步兵

二十

東妃閒着翠霞裙
自領笙歌出五雲
清思密談誰第一
不過邀取小茅君

二十一

月影悠悠秋樹明
露吹犀簾象牀輕
嬪妃久立帳門外
暗笑夫人推酒聲

二十二

九天天路入雲長
燕使何由到上方
玉女暗來花下立
手按裙帶問昭王

二十三

玉皇賜妾紫衣裳
交向桃源嫁阮郎
爛煮瓊花勸君喫

恐君毛鬢暗成霜

二十四

花底休傾綠玉卮
雲中含笑向安期
窮陽有數不知數
大是人間年少兒

二十五

玉色雌龍金絡頭
真妃騎出縱閒遊
崑崙山上桃花底
一曲商歌天地秋

二十六

閒來洞口訪劉君
緩步輕擡玉線裙
細拍桃花擲流水
更無言語倚彤雲

二十七

西漢夫人下太虛
九霞裙幅五雲輿
欲將碧字相教示
自解盤囊出素書

二十八

天上雞鳴海日紅
青腰侍女掃朱宮
洗花烝葉瀝清酒
待與夫人邀五翁

二十九

汗漫真遊實可竒
人間天上與人知
周王不信長生話
空使萇弘碧淚垂

三十

青錦縫裳綠玉襠
滿身新帶五雲香
閒依碧海攀鸞駕
笑就蘇君覓橘嘗

三十一

鶴不西飛龍不行
露乾雲破洞簫清
少年僊子說閒事

遙隔彩雲聞笑聲

三十二

洞裏煙深木葉麤
乘風使者降玄都
隔花相見遙相賀
擎出懷中赤玉符

三十三

芝蕙芸花爛漫春
瑞香煙露濕衣巾
玉童私地誇書札
偷寫雲瑤暗贈人

三十四

卷六十一
天上邀來不肯來，人間雙鶴又空回。
秦皇漢武死何處，海畔紅桑花自開。

三十五

紫羽麾幢下玉京，却邀真母入三清。
白龍久住潭相戀，斜倚祥雲不肯行。

三十六

鶴叫風悲竹葉疎，誰來五嶺拜雲俱。
人間肉馬無輕步，踏破先生一卷書。

三十七

夜降西壇宴已終
花殘月榭霧朦朧
誰遊八海門前過
空洞一聲風雨中

三十八

忘却教人鎖後宮
還丹失盡玉壺空
姮娥若不偷靈藥
爭得長生在月中

三十九

暘谷先生下宴時
月光初冷紫瓊枝
淒清金石揭天地

事在世間人不知

四十

共愛初平住九霞
焚香不出閉金華
白羊成隊難收拾
喫盡溪頭巨勝花

四十一

酒盡香殘夜欲分
青童拜問紫陽君
月光悄悄笙歌遠
馬影龍聲歸五雲

四十二

海樹靈風吹彩煙丹陵朝客欲昇天無央公子停鸞轡
笑泥嬌妃索玉鞭

四十三

八景風回五鳳車崑崙山上看桃花若教使者沽春酒
須覓餘杭阿母家

四十四

叔卿遍覽九天春不見人間故舊人怪得蓬萊山下水
半成沙土半成塵

四十五

欲飲尊中雲母漿
月明花裏合笙簧
更教小柰將龍去
便向金壇取阮郎

四十六

海上桃花千樹開
麻姑一去不知來
遼東老鶴應慵墮
教探桑田便不回

四十七

昨夜相邀宴杏壇
等閒乘醉走青鸞
紅雲塞路東風緊

吹破芙蓉碧玉冠

四十八

雲鶴冥冥去不分
落花流水恨空存
不知玉女無期信
道與留門却閉門

四十九

采女平明受事回
暗交丹契錦囊開
欲書密詔防人見
佯喝青虬使莫來

五十

欽定四庫全書

萬首唐人絕句
卷六十一

十

太一元君昨夜過碧雲高髻綰婆娑手擡玉策紅於火
敲斷金鸞使唱歌

五十一

碧瓦彤軒月殿開九天花落瑞風來玉皇欲着紅龍袞
親喚金妃下手裁

五十二

長房自貴解飛翻五色雲中獨閉門看却桑田欲成海
不知還往幾人存

五十三

赤龍停步彩雲飛
共道真王海上歸
千歲紅桃香破鼻
玉盤盛出與金妃

五十四

碧海靈童夜到時
徒勞相喚上瓊池
因循天子能閑事
縱與青龍不解騎

五十五

且欲留君飲桂漿
九天無事莫推忙
青龍舉步行千里

休道蓬萊歸路長

五十六

侍女親擎玉酒卮
滿卮傾酒勸安期
等閒相別三千歲
長憶水邊分棗時

五十七

萬歲蛾眉不解愁
旋彈清瑟旋閒遊
忽聞下界笙簫曲
斜倚紅鸞笑不休

五十八

去住樓臺一任風
十三天洞暗相通
行厨侍女炊何物
滿竈無煙玉炭紅

五十九

風動閒天清桂陰
水精簾外冷沉沉
西妃少女多春思
斜倚彤雲盡日吟

六十

王母相留不放回
偶然沉醉臥瑤臺
憑君與向蕭郎道
教著青龍取妾來

六十一

絳節笙歌繞殿飛
紫皇欲到五雲歸
細腰侍女瑤花外
爭向紅房報玉妃

六十二

聞君新領八霞司
此別相逢是幾時
妾有一觥雲母酒
請君終宴莫推辭

六十三

方士飛軒駐碧霞
酒香風冷月初斜
不知誰唱歸春曲

落盡溪頭白玉花

六十四

方朔朝來到我家
欲將靈樹出丹霞
三千年後知誰在
擬種紅桃待放花

六十五

水滿桑田白日沉
凍雲乾霰濕重陰
遼東歸客閒相過
因話堯年雪更深

六十六

朝回相引看紅鸞不覺風吹鶴
蹙偏好是興來騎白鶴
文妃為伴上重天

六十七

公子閒吟八景文
花南拜別上陽君
金鞭遙指玉清路
龍影馬嘶歸五雲

六十八

一百年中是一春
不教日月輒移輪
金鼇頭上蓬萊殿
唯有人間鍊骨人

六十九

笑擎雲液紫瑤觥
共請雲和碧玉笙
花下偶然吹一曲
人間因識董雙成

七十

東皇長女沒多年
從洗金芝到水邊
無事伴他碁一局
等閒輸却賣花錢

七十一

紅草青林日半斜
閒乘小鳳出彤霞
路尋故舊過西谷

因得冰園一尺瓜

七十二

樹下星沉月欲高
前溪水影濕龍毛
洞天雲冷玉花發
公子盡披雙錦袍

七十三

紫水風吹劍樹寒
水邊年少下紅鸞
未知百一窮陽數
畧請先生止的看

七十四

武皇含笑把金觥更請霓裳一兩聲
護帳宮人最年少
舞腰時挈繡裙輕

七十五

瓊樹扶踈壓瑞煙玉皇朝客滿花前
東風小飲人皆醉
短尾青龍枕水眠

七十六

彤閣鐘鳴碧鷺飛
皇君催熨紫霞衣
丹房玉女心慵甚
貪看投壺不肯歸

七十七

崑崙山上自雞啼羽客爭昇碧玉梯因駕五龍看較藝
白鸞功用不如妻

七十八

沙野先生閉玉虛炁香夜寫紫微書供承童子閒無事
教判瓊花餵白驢

七十九

雲隴瓊花滿地香碧沙紅水遍朱堂外人欲壓長生籍

拜請飛瓊報玉皇

八十

玉洞長春風景鮮
丈人私宴就芝田
笙歌暫向花間盡
便是人間一萬年

八十一

青童傳語便須回
報道麻姑玉藥開
滄海成塵老閒事
且乘龍鶴看花來

八十二

絳樹彤雲戶半開
守花童子怪人來
青牛臥地喫瓊草
知道先生朝未回

八十三

石洞沙溪二十年
向明杭日夜朝天
白礬煙盡水銀冷
不覺小龍牀下眠

八十四

紫微深鎖敞丹軒
太帝親談不死門
從此百寮俱拜後
走龍鞭虎下崑崙

八十五

雲衫玉帶好威儀
三洞真人入奏時
頻看金鞭打龍角
爲嗔西去上天遲

八十六

太子真娥相領行
當天合曲玉簫清
梨花新折東風軟
猶在緱山樂笑聲

八十七

洞裏月明瓊樹風
畫簾青室影朦朧
香殘酒冷玉妃睡

不覺七真歸海中

八十八

青苑紅堂壓瑞雲
月明閒宴九陽君
不知昨夜誰先醉
書破明霞八幅裙

八十九

東溟兩度作塵飛
一萬年來會面稀
千樹梨花百壺酒
共君論飲莫論詩

九十

滄海令拋卽未能且緣鸞鶴立相仍蔡家新婦莫嫌少
領取真珠三五升

九十一

溪影沉沙樹影清人家皆踏五音行可憐三十六天路
星月滿空瓊草青

九十二

北斗西風吹白榆穆公相笑夜投壺花前玉女來相問
賭得青龍許贖無

九十三

九天王母皺蛾眉惆悵無言倚桂枝
悔不長留穆天子
任將妻妾住瑤池

九十四

暫隨鳧伯縱閒遊飲鹿因過翠水頭
宮殿寂寥人不見
碧花菱角滿潭秋

九十五

新授金書八素章玉皇教妾主扶桑
與君一別三千歲

却厭僊家日月長

九十六

八海風涼水影高
上卿教製赤霜袍
蛟絲玉線難裁割
須借玉妃金剪刀

九十七

海上風來吹杏枝
崑崙山上看花時
紅龍錦襜黃金勒
不是元君不得騎

九十八

絳闕夫人下北方
細環清珮響丁當
攀花笑入春風裏
偷折紅桃寄阮郎

放猿

吉師老

放爾千山萬里身
野泉晴樹好為鄰
啼時莫近瀟湘岸
明月孤舟有旅人

鴛鴦

江島濛濛煙靄微
綠蕪深處刷毛衣
渡頭驚起一雙去
飛上文君舊錦機

次定四庫全書

萬世傳人絕句

萬首唐人絕句卷六十一

欽定四庫全書

萬首唐人絕句卷六十二

宋 洪邁 編

七言

送日本僧歸

韋莊

扶桑已在渺茫中
家在扶桑東更東
此去與師誰共到
一船明月一帆風

對酒

何用巖棲隱姓名一壺春
酹可忘形伯倫若有長生術
應到如今醉未醒

舊里

滿目牆垣春草深傷時傷事更傷心
車輪馬跡一時盡
十二玉樓何處尋

春愁

自有春愁正斷魂不堪芳草思
王孫落花寂寂黃昏雨
深夜無人獨倚門

鄜州寒食城外醉吟五首

滿街楊柳綠絲烟畫出青春二月天好是隔簾花樹動
女郎撩亂送鞦韆

雕陰寒食足遊人金鳳羅衣濕麝薰腸斷入城芳草路
淡紅香白一羣羣

開元坡下日初斜拜掃歸來走鈿車可惜數枝紅艷好
不知今夜落誰家

馬驕風疾玉鞭長過去唯留一陣香閉客不須燒破眼

好花皆屬富家郎

雨絲烟柳欲清明
金屋人間暖鳳笙
永晝迢迢無一事
隔街聞築氣毬聲

搖落

搖落秋天酒易醒
悽悽長是別離情
黃昏倚柱不歸去
腸斷綠荷風雨聲

令狐亭

若非天上神仙宅
須是人間將相家
想得當時好風月

管絃吹殺後庭花

江上別李秀才二首

千山紅樹萬山雲把酒相看日又曛
一曲離歌兩行淚更知何地再逢君

前年相送灞陵春今日天涯各避秦
莫向樽前惜沈醉與君俱是異鄉人

語松竹

庭前芳草綠如袍堂上詩人欲二毛
多病不禁秋寂寞

雨風松竹暮騷騷

姬人養蠶

昔年愛笑蠶家婦今日辛勤自養蠶
仍道不愁羅與綺女郎初解織桑籃

東陽酒家贈別二首

送君同上酒家樓醅酎釀成一笑休
正是落花饒悵望醉鄉前路莫回頭

天涯方歎異鄉身又向天涯別故人
明日五更孤店月

醉醒何處各沾巾

長干塘別徐茂才

亂離時節別離輕
別酒應須滿滿傾
纔喜相逢又相送
有情爭得似無情

江行西望

西望長安白日遙
半年無事駐蘭橈
欲將張翰松江雨
畫作屏風寄鮑昭

驚秋

不向烟波狎釣舟，強將文墨事儒邱。
長安十二槐花陌，曾負秋風多少秋。

離筵訴酒

感君情重惜分離，送我殷勤酒滿卮。
不是不能判酌酌，却憂前路醉醒時。

題盧拾遺莊

主父西遊去不歸，滿溪春雨長春薇。
怪來馬上詩情好，點破青山白鷺飛。

白牡丹

閨中莫妬新粧婦
陌上須慚傅粉郎
昨夜月明渾似水
入門唯覺一庭香

題許渾詩卷

江南才子許渾詩
字字清新句句奇
十斛明珠量不盡
惠休虛作碧雲詞

贈禮佛名者

何用辛勤禮佛名
我從無事到真庭
尋思六祖傳心印

可是從來讀藏經

解維

又解征帆落照中
暮程還過秣陵東
三年辛苦烟波裏
贏得風姿似釣翁

雨霽池上作

鹿巾藜杖葛衣輕
雨歇池邊晚吹清
正是今時江上好
白鱗紅稻紫蓴羹

古別離二首

晴烟漠漠柳毵毵
不那離情酒半酣
更把馬鞭雲外指
斷腸春色在江南

一生風月俱惆悵
到處烟花恨別離
止竟多情何處好
少年長抱長年悲

江亭酒醒

別筵人散酒初醒
江岸黃昏雨雪零
滿座綺羅皆不見
覺來紅燭背銀屏

棹亭驛小桃花

當年此樹正花開五馬僊郎載酒來李白已亡工部死
何人空伴玉山頽

憫耕者

何代何王不戰爭盡從離亂見清平如今暴骨多於土
猶點鄉兵作戍兵

含山店夢覺作

曾是流離慣別家等閒揮杖各天涯燈前一夢江南覺
惆悵起來山月斜

壺關道中作

處處兵戈路不通
却從山北去江東
黃昏欲到壺關寨
疋馬寒嘶野草中

金陵圖二首

誰為傷心畫不成
畫人心逐世人情
君看六幅南朝事
老木寒雲滿故城

江雨霏霏江草齊
六朝如夢鳥空啼
無情最是臺城柳
依舊烟籠十里堤

送人遊并汾

風雨蕭蕭欲暮秋，獨攜孤劍塞垣遊。
如今敵騎方南牧，莫過陰關第一州。

江外思歸

年年春日異鄉悲，社曲黃鶯可得知。
更被夕陽江岸上，斷腸烟柳一絲絲。

夢入關

夢中乘傳過關亭，南望蓮峯簇簇青。
馬上正吟歸去好，

覺來江月滿前汀

送人歸上國

送君江上日西斜
泣向江邊滿樹花
若見青雲舊相識
為言流落在天涯

聞春鳥

雨時春鳥滿江村
還是長安舊日聞
紅杏花前應笑我
我今憔悴亦羞君

獨鶴

夕陽灘上立徘徊紅蓼風前雪翅開
應為不知棲宿處幾回飛去又飛來

新栽竹

寂寞階前種此君
遠欄吟罷却沾巾
異鄉流落誰相識
唯有荒篁伴主人

題酒家

酒綠花紅客愛詩
落花春岸酒家棋
尋思避世為逋客
不醉長醒也是癡

殘花二首

和烟和雨雪離披金縷紅鬚尚滿枝十日笙歌一宵夢
苧羅烟雨失西施

江頭沈醉泥斜暉却向花前慟哭歸惆悵一年春又去
碧雲芳草兩依依

稻田

浪波春稻滿前坡極目連雲把稭肥更被鷺鷥千點白
披烟來入畫屏飛

燕來

去歲辭巢別近鄰
今來空訝草堂新
花間對語應相問
不是村中舊主人

倚柴扉

策杖無言獨倚闌
如癡如醉夢魂間
孤吟盡日何人會
依約前山似故山

七步廊

杜門無計奈殘陽
更接簷前七步廊
不羨東都丞相宅

每行吟得好文章

寄舍弟

每吟富貴他人合不覺沈瀾又溼衣
萬里日邊鄉樹遠何年何路得同歸

僕者楊金

半年辛苦葺荒居不獨單寒腹亦虛
努力且為田舍客他年為爾覓金魚

春陌二首

滿街芳草卓香車
仙子門前白日斜
腸斷東風各回首
一枝春雪凍梅花

嫩烟輕染柳絲黃
勾引花枝笑凭牆
馬上玉孫莫回首
好風偏逐羽林郎

中酒

南鄰酒熱愛相招
蘸甲傾來綠滿瓢
一醉不知三日事
任他童稚作漁樵

暴雨

江村入夏多雷雨曉作狂霖晚入晴波浪不知深幾許
南湖今與北湖平

晏起

爾來中酒起常遲卧看南山改舊詩開戶日高春寂寂
數聲啼鳥上花枝

幽居春思

綠映紅藏江上村一聲雞犬似仙源閉門盡日無人到
翠羽春禽滿樹喧

思歸引

越鳥南翔雁北飛
兩鄉雲路各言歸
如何我是飄飄者
獨向江頭戀釣磯

與小女

見人初解語
嘔啞不肯歸
舐戀小車一
夜嬌啼緣底事
為嫌衣少縷
金華

虎跡

白額頻頻夜到門
水邊踪跡漸成羣
我今避世棲巖穴

巖穴如何又見君

買酒不得

停樽待爾怪來遲
手挈空瓶毘毘歸
滿面春愁消不得
更看溪鷺寂寥飛

得故人書

正向溪頭自采蘇
青雲忽得故人書
殷勤問我歸來否
雙闕而今畫不如

洪州送僧遊福建

八月風波似鼓鞀可堪波上各東西殷勤早作歸來計
莫戀猿聲住建溪

聞回戈軍

上將鏖兵又去旋翠華巡幸已三年營中不用栽楊柳
願戴儒冠為控弦

南鄰公子

南鄰公子夜歸聲數炬銀燈隔竹明醉凭馬鬣扶不起
更邀紅袖出門迎

贈野僧

羨爾無知野性真，亂搔蓬鬢笑看人。
閒衝暮雨騎牛去，肯問中興社稷臣。

傷富民犯酒沒產

自此改法
不入財產

誰氏園林一簇烟，路人搖指盡長歎。
桑林稻澤今無主，新犯香醪沒入官。

感羣兒戲為陣

已聞三世歿軍營，又見兒孫學戰爭。
見爾此言堪慟哭。

遣予何日望時平

尋李書記不遇

白雲紅樹繞琅東夕鳥羣飛古道中
仙吏不知何處隱
山南山北雨濛濛

題貂黃嶺官亭

散騎蕭蕭下太忙
遠從吳會去陳倉
斜風細雨江亭上
盡日凭欄獨望鄉

題櫻桃樹

記得初開雪滿枝和蜂和蝶帶花移而今花落遊蜂去
空作主人惆悵詩

庭前菊

為憶長安爛漫開我今移爾滿庭栽紅蘭莫笑青青色
曾向龍山泛酒來

憶小女銀娘

睦州江上水門西蕩槳揚帆各解携今日天涯夜深坐
斷腸偏憶阿銀犁

女僕阿汪

念爾辛勤歲已深，亂離相失又相尋。
他年待我門如市，報爾千金與萬金。

河清縣河亭

由來多感莫憑高，竟日袞腸似有刀。
人事任成陵與谷，大河東去自滔滔。

鍾陵夜闌作

鍾陵風雪夜將深，坐對寒江獨苦吟。
流落天涯誰見問。

少卿應識子卿心

宿蓬船

夜來江雨宿蓬船，
卧聽淋冷不忍眠。
却憶紫微清調逸，
阻風中酒過年年。

和工部楊尚書重送

姚鵠

桂枝攀得獻庭闈，
何似空懷楚橘歸。
好控扶搖早回首，
人人思看大鵬飛。

宮詞

長孫翽

一道甘泉接御溝，上皇行處不曾秋。誰言水是无情物，也到官前咽不流。

題越王臺

崔向

越井岡頭松柏老，越王臺上生秋草。古墓多年無子孫，牛羊踐踏成官道。

十二月樂詞

李賀

日脚澹光紅灑灑，薄霜不消桂枝下。依稀和氣解冬嚴，已就長月辭長夜。

江上得芙蓉

崔希舟

物觸輕舟心自知
風恬烟靜月光微
夜深江上添愁思
恰得紅蕖香惹衣

贈韋氏女

鄭德璘

纖手垂鈎對水窓
紅蕖秋色艷長江
既能解佩投交甫
更有明珠乞一雙

弔江姝二首

湖面征帆且莫吹
浪花初綻月光輝
沈潛暗想橫波淚

金步曰人
卷六十二
得共鮫人相對垂

洞庭風軟荻花秋
新沒青娥細浪愁
淚滴白蘋君不見
月明江上有輕鷗

譏張延賞

郭圓

宣父從周又過秦
昔賢誰少出風塵
當時亦訝張延賞
不識韋臯是貴人

詠王大娘戴竿

劉晏

樓前百戲競爭新
唯有長竿妙入神
誰謂綺羅翻有力

猶自嫌輕更著人

舉子騎驢

無名子

今年敕下盡騎驢
短胄長鞦徧九衢
清瘦兒郎猶自可
就中愁殺鄭昌圖

題西明院房

姚家新壻是房郎
未解芳顏意欲狂
見說正調穿羽箭
莫教射破寺家牆

詠李蓮吉取寒素

金
卷六十二
元和天子丙申年三十三人同得僊袍似爛銀文似錦
相將白日上青天

戲周顥

浙西從事

龍津掉尾十年勞聲價當時鬪月高唯有紅粧回舞手
似持雙刃向猿獠

答從事

周顥

十載文場敢憚勞宋都回鷁為風高今朝甘被花枝笑
任道尊前愛縛猿

朝郭凝素

朱澤

三春桃李本無言
苦被殘陽鳥雀喧
借問東鄰効西子
何如郭素擬王軒

譏張濬閱牡丹

伶人

位乖變理致傷殘
四面墻垣不忍看
正是花時堪下淚
相公何必更追歡

織錦人吟

學織綵綾功未多
亂拈機杼錯拋梭
莫教宮錦行家見

把此文章笑殺他

戲狀元崔昭緯

千里江山陪驥尾
五更風水失龍鱗
昨夜浣花溪上雨
綠楊芳草為何人

嘲陸暢

元和內人

十二層樓倚翠空
鳳鸞相對並梧桐
雙成走報監門衛
莫使吳歛入漢宮

解嘲

陸暢

粉面僊郎選聖朝
偶逢秦女學吹簫
須教翡翠聞王母
不奈烏鳶噪鵲橋

題牡丹

一種芳菲出後庭
却輸桃李得佳名
誰能為向天人說
從此移根近太清



萬首唐人絕句卷六十二